

中國地方志集成

河北府縣志輯 ⑤⑥

光緒廣平府志(二)

民國廣平縣志

上海書店 ● 巴蜀書社 ● 江蘇古籍出版社

重修廣平府志卷三十七

古蹟略 城址

永年縣

曲梁故城今縣治春秋時爲赤狄地左傳宣公十五年晉荀林父敗赤狄于曲梁遂滅潞杜注今廣平曲梁縣也漢元康三年封平干頃王子敬爲侯國北齊文宣帝省曲梁移廣年縣來治隋仁壽元年避煬帝諱改曰永年元和志永年本漢曲梁縣大清一統志

案方輿紀要曲梁故城在縣東北通志引彙纂亦云

曲梁城在府東北與一統志異

重修廣平府志卷三十七 古蹟略 城址

廣年故城在縣東北漢置縣北齊移其名於曲梁而此城遂廢後漢書注廣年故城在今永年縣西北同上

臨洛故城在縣西四十五里漢置易陽縣隋改曰臨洛

隋書地理志武安郡臨洛縣舊曰易陽震宇記縣在洛

州西北五十里本漢易陽縣後魏省入邯鄲縣孝文於

北中府城復置易陽今理是也隋開皇六年改爲邯鄲

縣尋移邯鄲理涉鄉城今邯鄲縣界仍於北中府城別置臨

洛縣宋省爲鎮舊志今爲臨洛關同上唐李白贈臨

洛然太古心大音自成曲但奏無絃琴釣水路非遠連

意何深終期龍伯國與爾相招尋明馬任遠臨洛

懷古詩洛水沿河晚不波荒隄叢柳望臨河平沙游鳥

飛樓少古道行人向背多成墨煙殘餘牧逕信宮址廢

有樵歌風前憑弔空悲切瞬息興亡可奈何

案方輿紀要臨洛城在府西四十里本漢易陽縣後

漢和帝永元七年易陽地裂卽此范成大北使錄臨

洛城東至洛州三十五里以北濱洛水而名自此過

洛河三十里沙河縣是也今置臨洛驛於此地理志

韻編今之臨洛關金鎮名曰西臨洛在府西四十五

里隋改漢易陽縣之臨洛乃在今永年縣西十五里

攷寰宇記今之洛水古亦稱漳水又名南易水寰宇記引

漳水風土記云南易水本名漳水源出三門山西自

肥鄉流入臨洛縣界趙地記云六國時此水名易水

卑蒼及水經云洛水之目不知誰改俗謂山之下地

名洛故曰洛水燕趙記云其分有三易漳爲南易是

也易陽得名以此應劭注曰易水出涿漢趙國易陽

郡故安是誤以北易水爲南易水也

當在南易水之北水北爲陽故因以名縣今臨洛關

在洛河南疑非漢易陽故縣又元豐九域志永年有

東西臨洛二鎮李氏以城西十五里之臨洛謂卽漢

易陽故縣當非無據惜遺址久湮不可考矣

干將城在城南三里俗名韓子城北齊書綦母懷文云

廣平郡南韓子城是干將鑄劍處其土可以瑩刀寰宇

記干將城在洛州卽干將鑄劍處鑪池俱存今爲韓家

屯村彙輔通志案寰宇記邯鄲縣東二十二里亦有干將城辨見志

重修廣平府志卷三十七 古蹟略 城址

餘

五花城在縣西北三十里元末脫脫屯兵所築舊志

陽城在縣西五十里地高土堅明末土人築以避兵同上

曲周縣

曲周故城在今縣東北漢高帝六年封功臣酈商為侯

國武帝時始置為縣元和志縣西南至洺州八十里本

漢舊縣後魏宣武帝改置曲安縣高齊省隋復置改舊

名尋又省唐武德四年於曲周故城重置據唐縣去州

道里較今多四十里蓋宋時移今治也大清一統志

案方輿紀要縣東有曲安故城後魏景明中分平恩

重修廣平府志卷三十七 古蹟略 城址 三

縣置屬廣平郡元和志及寰宇記謂後魏改曲周為

曲安似誤

平恩城在縣東南程孟村漢宣帝元康三年封漢書外戚表作

地節三年封許廣漢為侯國後漢置縣金省明志曲周東南

有平恩廢縣今東西程孟二村相傳即東西城門云畿輔通志

秦鑄平恩懷古詩驅馬出東門蕭蕭秋欲老斷岸折驚沙寒雲疾飛鳥名是古平恩當年佳氣繞豈

無甲第開蒼茫空宿草懷古涕沾裳感舊悲如掃何以百年人龍戰猶驚擾呼酒問西風天光接浩渺寫意攬

高空清霜一掬小

案元和志平恩縣西至洺州八十三里寰宇記作五

十里攷水經注白溝水自館陶縣北又東北逕平恩

縣故城東地理風俗記曰縣故館陶之別鄉也應在

曲周東南境今程孟村是其遺址西去洺州通鑑胡三省注

日今承年洺州所治也不止五十里樂史殆誤

南曲城在縣東漢縣屬廣平國後漢省水經注漳水自

斥漳縣南又東北逕平恩縣故城西又東北逕南曲縣

故城西應劭曰平恩縣北四十里有南曲亭故縣也同上

斥漳故城在縣東南漢置縣應劭曰漳水出治北入河

其地斥鹵故曰斥漳隋開皇六年以縣西近洺河改為

洺水縣元和志洺水縣西至州五十里本漢斥漳縣

字記高齊天保七年移平恩理斥漳城開皇六年復移

重修廣平府志卷三十七 古蹟略 城址 四

平恩入舊理於此置洺水縣大清一統志

案通鑑唐武德五年秦王世民擊劉黑闥其洺水人

李去惑據城來降即此一統志謂在縣東南恐誤洺

水向不能越潞水而經曲周南也南殆北字之譌

耶閣城在縣東北寰宇記引水經注云衡漳又北逕巨

橋耶閣西謂即此城舊志

肥鄉縣

邯溝故城在縣西北漢宣帝地節三年封趙頃王子偃

為侯國屬魏郡後漢省水經注邯溝歷邯溝縣故城東

蓋因溝以名縣地理風俗記曰即裴城西北二十里有

邯溝城故縣也寰宇記邯溝故城俗名桓公城在今肥

鄉縣西北十里大清一統志

案方輿紀要邯溝城在縣西北七里顏師古曰以邯

水之溝而名

列人故城在縣東北戰國時趙邑也竹書紀年梁惠成

王八年伐邯鄲取列人卽此漢置縣屬廣平國高齊省

寰宇記列人故城在肥鄉縣東北十五里同上

案縣志列人舊城在馬固村北天啟壬戌肥鄉城壞

知縣楊時晦意欲移城於此已申報各臺擇吉破土

邑中豪家勢族力阻而止考水經注漳水東逕卽裴

重修廣平府志卷三七 古蹟略 城址 五

縣故城南又東北逕列人縣故城南卽裴城在今縣

南三里列人城應在縣東北通鑑注引杜佑亦云列

人故城在肥鄉縣東北今馬固村在縣城西方向實

有未合或當時城東北別有一馬固村與明地理志

肥鄉縣東十五里有列人城方輿紀要城在縣北三

十里列人隄上方向雖少異決非城西之馬固村也

邯會故城在縣西南二十里漢武帝元朔二年封趙敬

肅王子仁爲侯國屬魏郡後漢省張宴曰漳水別自城

西南與邯山之水會今城旁猶有溝渠在焉方輿紀要

卽裴故城在縣西漢征和元年封趙敬肅王子尊爲抑

裴侯國屬魏郡後漢省鄭氏曰抑裴音卽非在肥鄉縣

南五里卽非城也水經注地理風俗記曰列人縣西南

六十里有卽裴城故縣也大清一統志

案縣志卽裴城在縣南三里又云今南關東南角地

名裴家莊卽此考列人城在縣東北十五里又西南

六十里方是卽裴城如縣志所云不足二十里雖古

今里數各異不應如是之差縣志恐未可據

肥鄉故城在縣西戰國時趙之肥邑竹書紀年梁惠成

王八年伐邯鄲取肥是也曹魏因置肥鄉縣元和志縣

西北至洺州四十九里魏黃初二年分邯鄲等二縣立

重修廣平府志卷三七 古蹟略 城址 六

故城在縣西二十二里同上

案寰宇記肥鄉故城在縣西南二十二里方輿紀要

作縣南二十里方向里數均有未合考舊唐書地理

志肥鄉縣漢邯溝縣地水經注白渠故瀆歷邯溝縣

故城東又東逕肥鄉縣故城北縣志邯溝城在縣西

北據此則肥鄉故城不在縣西南樂史之說非是顧

祖禹謂在縣南二十里失之尤遠

清漳故城在縣東隋置元和志縣西北至洺州七十里

本漢列人縣地開皇十六年於此置清漳縣南濱漳水

因以爲名舊志清漳城在肥鄉縣東三十里今清漳大

寨等村明泰昌時土人掘井得清漳菴石碑蓋唐開元時清漳令秦獻造也今基址盡廢獨故城隍祠尙存

補通志 唐李白贈清漳明府姪聿詩我李白萬葉柯條布中州天開青雲器日爲蒼生憂小邑且割雞大刀竹烹牛雷聲動四境惠與清漳流絃歌詠唐堯脫落隱簪組心和得天真風俗猶太古牛羊散阡陌夜寢不扃戶問此何以然賢人宰吾土舉邑樹桃李垂陰亦流芬河隄繞絲水桑柘連青雲趙女不冶容提籠晝成羣綠絲鳴機杼百里聲相聞訟息鳥下階高卧披道帙蒲鞭挂簷枝示恥無挨扶琴清月當戶人寂風入室長嘯無一言陶然上皇逸白玉壺冰水壺中見底清清光動毫髮皎潔照羣情趙北美佳政燕南播高明過客覽行話因之頌德聲

案名勝志及方輿紀要清漳城在縣東南七十里考肥鄉疆域圖東南至廣平縣界三十里若七十里則

重修廣平府志卷三十七 古蹟略 城址 七

出肥鄉境矣攷震宇記廢清漳縣在洺州東南七十

里今肥鄉清漳大寨等村去郡里數頗與此合紀要

謂在縣東南縣字殆州字之訛耳

葛孽城在縣西南二十里戰國策趙王抱葛孽陰成爲

趙養邑鮑彪注葛孽陰成四邑名寰宇記葛孽故城俗

呼葛鷲城卽武靈王夫人所築一云夫人城舊志在肥

鄉縣西南二十里今埋大清一統志

案函樓別紀考史記趙成侯十七年與魏惠王相遇

於葛孽則相去武靈卽位之初尙隔三十二年武靈

王前韓夫人未娶後夫人吳娃未及也徐廣注云葛

孽卽馬邛又不知馬邛爲何地母亦趙先有長城之

築武靈王與樓緩計曰我先王因世之變以長南藩

阻漳立險而此其地與縣志引張懋勤風俗議廢堞

連雲四圍二十里爲漳水淤成平地在今劉家寨東

或卽其遺址焉

新興城在縣東南晉書大元九年慕容垂攻苻丕於鄴

分遣老弱於肥鄉築新興城以置輜重旣而鄴久圍不

下垂解圍趣新城卽新興城也二十一年拓跋珪攻後

燕鄴城爲慕容德所敗退屯新城亦此城矣今俗呼爲

白塔營方輿紀要

重修廣平府志卷三十七 古蹟略 城址 八

雞澤縣

廣平故城在縣東杜佑曰在永年縣北漢置廣平縣治

此武帝征和二年封趙敬肅王小子偃爲王國改曰平

干尋復爲廣平哀帝建平三年又以廣德夷王弟廣漢

紹封後漢建武二年更封吳漢爲廣平侯魏曹復置廣

平郡治焉後徙廢方輿紀要

案後漢書注廣平故城在今永年縣東北雞澤縣志

故城在縣東二十里今有舊城村元和志隋於廣平

城置雞澤是今縣實由廣平改名唐宋時又嘗遷治

也

重修廣平府志

卷三十七

古蹟略

城址

九

悲高齋對秋山平望殊不遠雖違獨往心蒼蒼長在眼可嗟都邑遊終日紅塵滿

雞澤故城在縣南元和志縣西南至洺州五十里本漢廣平縣地隋開皇十六年於廣平城置雞澤縣大業二年省武德四年重置名勝志雞澤縣城隋唐以來徙置不一金天會中寄治臺頭村大定元年始營今理清一統志宋司馬光送聶之美任雞澤令詩趙魏高氣伏到今風俗然惟埋吏難禁擊斷世稱賢明府宜更瑟罷民庶息肩無如繭絲者急欲縱散鞭又和聶之美雞澤官舍各詩明府學既優所聞今得施四境已澄清還以書自怡西齋幾黃卷治原俱在茲百里有民社古為子男國苟有愛物心稚老皆蒙德為身不為人鄭哉陶彭澤孤樓雖不高足以敵四遠餉婦陌頭歸田夫桑陰飯飭吏省追胥勿令農事晚索索夕風道裏灑朝露哀嗥雀巢枝宿堂依敗葉渺然秋興長坐與江湖接驛道苦車馬田廬悲斧斤誰裁官舍前老朽完天真所願明府心庇樹如庇人村落煙欲暝行人猶未稀借問來往者營營還有無乃知市朝客趨露良可

案縣志隋改廣平縣為雞澤縣城於周之古城即今縣東十五里舊城營是殆以舊城營有會盟臺誤以為春秋諸侯同盟之雞澤故曰周古城然既曰古城即今舊城營在縣東何以又曰古城影在縣西二十里柏枝寺南自相矛盾春秋時雞澤實不在境內即會盟臺亦係後人附會又云唐武德四年復置雞澤縣於今縣西南十里馮鄭村石晉徙治於古城東二十里城湮無考古城即今舊城營此村緊傍滏陽河渡河而東不數里即入曲周縣界無城可擬東字

重修廣平府志

卷三十七

古蹟略

城址

十

疑係西字之訛考石晉所徙之地當即宋時縣治樂史係宋人其所撰寰宇記云雞澤縣在洺州東北五十里此尚沿元和志西南至洺州五十里之說又云洺漳二水在縣東南二十五里合流東北入平鄉縣界則是宋時縣治在洺漳二水之西北二十餘里矣考舊城營馮鄭堡之舊治及今縣治皆在洺水之東惟今縣治西十里有地名城隍東南去洺河及今縣東北羅官營之枯漳河相去有二十里疑即石晉所徙者城之遺址存焉故擅城隍之目宋聶之美所治皆即在此金天會中城遭兵火徙治北臺頭是今縣治即金天會間徙城隍寄治之北臺頭至大定間始築而城之金王寂之父礎於天會中攝縣事即今治也今縣東南二里又有臺頭村蓋即南臺頭也普樂故城在縣東南唐書地理志雞澤有普樂縣武德初置後陷寶建德遂廢舊志普樂城在雞澤縣東南二十五里同上案方輿紀要普樂城在雞澤縣東南十里唐初置縣旋陷於寶建德或曰即建德創置考通鑑唐紀武德四年建德所署普樂令程名振來降胡三省注云洺州所領雞澤縣有普樂縣寶建德平後廢入雞澤縣

志云卽今貫莊村北空城

建德城在縣南三十里有故城二東西相值相傳竇建

德屯軍處今南雙塔村西尙存遺址雞澤縣志

案明一統志及方輿紀要建德城在府城北二十五

里考疆域圖府北二十五里有故城村

廣平縣

鷺城在縣西名勝志鷺城之名不見史傳唯金王世鑑

碑銘曰大原之系奕葉西華轉徙鷺城始定厥家在縣

西五六里遺址尙存大清一統志

案廣平縣志作元王世鑑考人物傳亦列元時與一

重修廣平府志卷三十七 古蹟略 城址

七

統志異

邯鄲縣

邯鄲故城在今縣西南春秋時衛邑後屬晉戰國屬趙

敬侯元年自晉陽漢書地理志及名勝志均作中牟徙都於此胡三省通鑑注

謂趙肅侯始都邯鄲秦始皇十九年置邯鄲郡漢高帝

四年立張耳爲趙王都邯鄲張晏曰邯山名單盡也邯

山至此而盡城郭從邑故鄆字亦加邑舊志故城在今

縣西南十里八里俗呼爲趙王城秦漢時趙俱理此堆

堞猶存中有一臺疑卽殷廷之所大清一統志魏

固靈州之微宇而天下之雄國南則有洪川巨瀆黃水魏

濁河發源積石徑拂大華灃爲九流入於元波其東則

有天浪水莊百川是鍾包絡坤維連薄太蒙其北則有

陶林元壇層冰近寒其西則有壘耶平圃斜接崑崙其

近則有天井句注飛壺太行瑤瑤磔磔屬阜連岡龍首

嵯峨以綿鬱羊坂崑崙以屹嶠清漳發源濁漳口越歲

三門沸洪波濤厲爾乃都城萬雉百里周迴九衢交錯

之將飛正殿儀其造天朱橋階以舒光盤以表蟠若蛟

承雄虹之飛梁結雲閣於南宇立叢臺於少陽及至暮

秋涉冬翔風烈寒猛雲閣於南宇立叢臺於少陽及至暮

清源駕鶴其之駿駭抗沖天之旌旆北連昭餘南屬漣

沱西盼大陵東結繚河然後嶼子放機戈矛亂發決漣

鬻破文額當手驚應倒越爾乃進夫中山名倡麗

國妖女秋髮妙音邯鄲才舞六八羅羅并奏迭舉龍

浮雲聲哀激楚其珍玩服物則崑山美玉元珠曲環

稍收繪織縷執其器用良馬則六弓四弩絲沈黃間

身鶴頭目如黃金蘭筋參精斯常鸚鵡紫鸞豐鬣角

至季春元巳辰火燦光挺新贈往被於水陽朱幕蔽

綵帷連周妖冶呈飾顏如春英齊陸厥邯鄲行趙女

振鳴瑟邯鄲粉腰步長袖曳三街兼金輕一顧有美

臨風佳人在遐路相思欲牽裾臺日已暮梁武帝

邯鄲歌回頭瀟灑陵上北指邯鄲道短衣不傷南山爲

君老唐李白自廣平至邯鄲登城樓覽古興懷詩醉

騎白花駱西走邯鄲城柳色春風生入郭

登高樓山川與雲平深宮懸綠草萬事傷人情相如中

華巔猛氣折秦嬴兩虎不可關康公終貧荆提攜袴中

兒杵日及程嬰立孤就白刃必死耀丹誠平原三千客

談笑盡豪英毛君能脫穎二國且同盟皆爲黃泉土使

我涕縱橫磊磊石子岡蕭蕭白楊聲諸賢沒此地碑陰

有殘銘太古共今時由來互哀榮傷哉何足道感懷仰

空名高適邯鄲少年行邯鄲城南遊俠子自稱生長

邯鄲裏干戈場從博家仍富幾處報讐身不死宅中歌笑

日紛紛君不見今人交態薄黃金用盡還蕭索以茲感

歎辭舊遊更於時事無所求黃金用盡還蕭索以茲感

微西山頭胡會過邯鄲詩曉入邯鄲十里春東風吹

下玉樓塵青娥莫怪頻含笑記得當年失步人宋范

成大也作黃梁夢不夢封侯夢石湖明賈鈞登古城

詩古城烟草重凄涼走馬春風一斷腸王氣已隨芳草

重修廣平府志卷三十七 古蹟略 城址

七

重修廣平府志

卷三七

古蹟略

城址

三

歇獨歸鳥帶斜陽何景明邯鄲道詩邯鄲道上車
馬多行人夜火渡漳河邯鄲女兒年十五能彈琵琶
歌舞青燈朱戶夜當壚頭酒熟喚客沽玉壺有絲為
君繫不妨醉向邯鄲途君不見邯鄲市昔日繁華安
擬鳴鑾佩王青雲閣難走見邯鄲裏平原樹空如
雲千載淒涼竟何是黃金白壁成飛灰歌樓舞榭空
水傷心萬事俱可嗟草長叢臺白日斜廢苑當時在
處舊宮今日作誰家古來富貴俱寂寥有酒樽前胡不
樂賀塚然邯鄲懷古詩雲迷宮殿已全非微眉叢臺
過客稀三晉河山仍不改六王宮殿已全非微眉叢臺
荒烟合講武臺空野飛猶有邯鄲樓上月餘光常照
醉人歸黃裳邯鄲意氣生相從射獵西山去城中年少
邯鄲城遊子邯鄲意氣生相從射獵西山去城中年少
來縱橫紛紛罷擲博場裏追呼雲集黃塵白馬揚鞭
響夜霜彌弓香箭明秋水使君紅旗山上磨我正風
吹草急道上豺狼向人立少年隨我拍青絲一箭雙
死原隰使君歡動弄金杯疊鼓鳴笳錦帳開八郡良
驅虎落三河俠客奮龍媒邯鄲水鄲山冷朔雲趙舞
空古墳海上唯懷魯連子城中還憶平原君加倉逐獸

重修廣平府志

卷三七

古蹟略

城址

西

案邯鄲縣志云趙都城當以今城之有叢臺者為是
若世所傳趙有二都城矣昔齊後主嘗營邯鄲宮極
其雄麗安知此非其地耶且自漢以後王趙者世世
有之所築城皆得稱以趙王城豈可即指為戰國時
物哉考輿程記云趙王城西南二十里至臺城岡又
西南二十里即磁州蓋漢以前邯鄲城大數十里今
縣城及故城皆邯鄲也湮廢後所存者止此耳
武始故城在縣西南戰國時韓地史記秦昭襄王十三
年向壽伐韓取武始即此漢置武始縣屬魏郡元朔三
年封趙敬肅王子昌為侯邑後漢建武五年更封張純
為武始侯而郡國志無此縣蓋尋省也括地志故城在
邯鄲縣西南五十里同
案方輿紀要武始縣有洹澗水東北至邯鄲入於白
渠水經注洹澗水導源武始東山白渠北俗猶謂是
水為洹河也
五氏城在縣西亦曰寒氏春秋定公九年齊侯衛侯次
於五氏又左傳衛侯伐邯鄲午於寒氏杜預注寒氏即
五氏也舊志或曰五與午通城蓋以邯鄲午而名同
王郎城在縣西三里許後漢初王郎詐稱成帝子子輿
率車騎數百人入邯鄲僭號此其屯聚處也俗猶呼為

卽村方輿紀要

涉鄉城在縣西隋志開皇十六年置涉鄉縣屬洺州大業初省入邯鄲在今縣西南五十里同上

成安縣

斥邱故城在縣東南本春秋時晉乾侯邑左傳昭公二十八年公如晉次於乾侯杜預注乾侯在魏郡斥邱縣漢高帝五年封功臣唐厲爲斥邱侯後爲縣應劭曰有斥邱在其西南關駟云地多斥鹵故曰斥邱高齊改置成安縣而故城遂廢元和志成安西南至相州一百五十里斥邱故城在縣南三十里大清一統志

重修廣平府志

卷三七

古蹟略

城址

五

案寰宇記斥邱故城在成安縣東南三十里方向與元和志微差里數正合方輿紀要乃作十三里考地理志韻編成安縣自齊改置卽在今理顧祖禹當是誤三十爲十三耳通志引史記惠景間侯者年表有瓜邱侯劉甯國文帝四年封至孝景三年偃反國除索隱曰斥邱縣在魏郡疑卽此考史記漢書功臣侯表文帝九年斥邱恭侯鼂嗣後元六年侯賢嗣逮武帝元鼎五年侯尊始坐酎金免豈於四年前復分斥邱地名曰瓜邱而以封劉國甯乎恐未足據通志又引山東通志漢斥邱縣在今邱縣北四十里北營集

考水經注漳水自平陽城北括地志平陽故城在臨漳縣西又東右逕斥邱縣北卽裴縣故城南又東北逕列人縣故城南又東北過斥漳縣南又東北逕平恩縣故城西一統志表今邱縣漢平恩縣地據此則邱縣北之北營集與漢斥邱中隔數城不惟非漢斥邱縣治恐亦非漢斥邱縣地矣山東通志失考

威縣

廣宗故城在縣東漢平帝元始二年立代孝王元孫之子如意爲廣宗王王莽時廢地理志不載蓋未置縣也後漢和帝永元五年封弟萬年爲廣宗王國於此尋罷

重修廣平府志

卷三七

古蹟略

城址

六

爲縣晉屬安平郡後魏置廣宗郡治廣宗縣中興中又分立南北二廣宗尋罷北齊郡廢隋改縣曰宗城屬清河郡唐屬貝州元和志縣東北至貝州六十里五代周改屬大名府寰宇記縣在魏州西北一百七十里宋政和間秦坦宗城新修廟學記云宗城舊治雉川避河之衝崇甯四年始遷邵固雖屬大名而去甘陵不三十里今改屬洺州元初省縣志古城在縣東南二十里卽故宗城也大清一統志

案地理志韻編廣宗下注云今威縣東二十里似卽舊志所謂縣東之古城宗城下注云今威縣東三十

里與廣宗顯分兩地或即避河衝遷治之邵固堡惟遷邵固在宋崇甯時宗城注在縣東三十里自隋已然亦有不合

建始故城在縣東北水經注張甲左濱北逕建始故城東趙立建興郡又置建始興德等五縣隸焉魏書地形志廣宗縣有建始城建德城舊志建德即興德之訛今威縣東北有北古城村蓋即建始城又有南古城村在縣南蓋即興德等縣也

同上

案水經注田融云趙武帝二十二年立建興郡治廣宗又置建始等五縣隸之考通鑑趙武帝即石虎也

重修廣平府志

卷三十七

古蹟略 城址

七

以成帝咸康元年僭位至穆帝永和五年卒凡十五歲上二字當是衍文

經城故城在縣北後漢分堂陽置經縣在今廣宗縣界後魏孝文改置於此元和志經城縣東至貝州六十里寰宇記經城縣在魏州西北二百三十里後漢分前漢堂陽縣於今縣西北二十里置經縣後魏初省併南宮縣太和十年又於今理置經縣續於縣理置廣宗郡高齊天保七年省郡及縣仍移武強縣於此後周建德七年復於此置廣宗郡隋開皇二年罷郡六年移武強縣於故武強城南復於此置經城縣屬貝州今屬魏州宋

史地理志熙甯六年省經城爲鎮入宗城舊志經鎮堡在縣北十五里即故縣也

同上

案輿圖經鎮在縣北五十里一統志恐誤

府城故城在縣東隋開皇十六年分經城縣置屬貝州大業初仍省入經城唐武德四年復置屬宗州九年又廢

同上

洺水故城在縣北宋初置洺水鎮九域志雞澤縣有北洺水鎮即此加北字者以別於曲周之故洺水縣也金於此置洺水縣元移威州來治洺水尋又徙今治縣志洺水廢縣在城北五十五里

同上

重修廣平府志

卷三十七

古蹟略 城址

八

案方輿紀要洺水城在今威縣北隋所置也唐以後縣皆治此元始爲威州治是誤以曲周之故洺水縣爲宋之北洺水鎮也

清河縣

信成故城在縣西北漢置屬清河郡後漢省水經注清河河北逕信成縣故城西應劭曰甘陵西北五十里有信成亭故縣也趙置水東縣於此故亦曰水東城元和志貝州清河縣郭下本漢信成縣地寰宇記高齊天保七年自晉城移清河郡

晉永嘉時石趙所置

及武城縣於今貝州西北故信成縣後周於郡置貝州隋開皇六年移武城還

舊理又自厝城移清河縣後魏時置於州郭唐咸通元年長

史鄭仁凱以舊居湫隘移於故州東南十里一作十二里

即今理所信成故城在今理西北十二里故州城外唐

咸通以前郡理於此大清一統志 宋祖昱清河道中 弔陸內史詩內 史東吳彥清河

緬舊踪徒聞思 嘆鶴無復羨雲龍兄弟遺讓 構文章誤折衝司空泉壤下相見肯從容

案方輿紀要貝州城在今清河縣東疑非是據寰宇

記信成故城在今理西北十二里故州城外又曰移

於故州東南十里則是後周所置之貝州故城應在

今縣西北十里信成故城東南二里地理志韻編貝

州下注今清河治蓋唐宋後徙治今縣也

重修廣平府志卷三十七 古蹟略 城址 尤

清陽故城在縣東漢置縣為清河郡治景帝中三年封

皇子乘為清河王武帝元鼎三年又徙代王義為清河

王都清陽後漢省括地志清陽故城在清河縣東北八

里又寰宇記古清陽城在清陽縣東南三十五里後魏

孝昌二年葛榮以城內有甘陵高大因據陵為堡賊平

遂置清陽縣唐永昌元年緣地久積鹹鹵遂西移於永

濟渠之東孔橋此城遂廢開元二十二年又移於今州

城東永濟渠之西即今邑也宋史地理志熙寧四年省

清陽入清河同上

案清陽故城有四一水經注清河北逕信成縣故城

西又東北逕清陽縣故城西漢高祖置清河郡治此

景帝中二年史記漢書均作三年封王子乘為清河王國諸侯

王表作初置清河郡治後漢光武建武二年西河鮮

于冀為清河太守桓帝建和元年改清河為甘陵王

國以王妖言徙後漢書桓帝紀清河王蒜以清河人 劉文反坐貶為尉氏侯疑即此係在

元年十一月改清河為甘陵在二年六月鄧氏 其年

統歸元年非是魏輔通志均作三年事尤誤

立甘陵郡治此焉此漢之清陽縣即為清河郡嗣復

為甘陵郡者也依水經注核之應在信成故城東北

寰宇記引郡國記云隋清陽城內有漢清河王慶陵 在今郡東南三十里故唐城後漢安帝改曰甘陵仍 為甘陵國都據此似後漢之甘陵國與前漢之清陽 縣各自為一城考屯氏河故瀆自別河東逕甘陵之

重修廣平府志卷三十七 古蹟略 城址 尤

信鄉縣故城南又東逕甘陵縣故城北是甘陵縣自 在古厝而甘陵國甘陵郡仍治清陽城蓋安帝省清 陽古厝併入清河國世 遂統目為甘陵郡者也

東逕信成縣故城南又東逕清陽縣故城南清河郡

北魏自清陽徙置也郡國記云晉省甘陵縣於厝城 西南七里置清河縣為清河國

治後魏又置清河縣併清河郡於故厝城高齊天保 七年又移清河縣於故信成厝城日貝鄭寰宇記

清陽縣亦為貝邱縣故城在今縣東南方與鄭寰宇記 開皇六年改貝邱為清陽縣屬貝州時亦謂之清河 城以舊為郡治也大業十二年羣盜張金稱陷清河 即清陽縣非清河郡也劉昫曰清陽舊治古甘陵城

則此清陽即樂史所謂葛榮據城為堡賊平遂置之

清陽縣也依水經注核之應在漢清陽縣故城南信

成故城東南即郡國記所云隋清陽城內有漢清河

成故城東南即郡國記所云隋清陽城內有漢清河

成故城東南即郡國記所云隋清陽城內有漢清河

王慶陵在今郡東南三十里故厓城是也一統志誤以信成東南五十里之甘陵爲漢所治清陽城之甘陵郡遂謂魏徙置之清陽故城在信成縣故城東而在漢清陽縣故城北也方向不合殊失考一唐永昌元年移置清陽縣於孔橋者寰宇記孔橋在永濟渠東是也一開元二十二年移置清陽縣於今州城東永濟渠之西是也唐魏王泰括地志云清陽故城在清河縣東北八里蓋指此

甘陵故城在縣東後漢書郡國志甘陵故厓安帝更名寰宇記故厓城在縣東南三十里其先地出甘草土人

重修廣平府志 卷三七 古蹟略 城址 三

號曰鵲城舊志 宋祖昱登古城詩欽斜雉堞暮雲升步屨攀躋僅百層夕照自開秦鉅鹿春風不度漢甘陵山川戰後銷金鏃隧道荒時見漆燈獨有城烏棲復起白頭相對怨難勝

案水經注之言甘陵者不一一卽清河東逕清陽縣

故城西桓帝改爲甘陵郡者也一大河故瀆東逕貝

邱縣故城南山東通志在清平縣西南四十里又東逕甘陵縣故城

南地理志所謂厓也漢安帝父孝德皇以太子被廢

爲王卽清河王慶薨於此乃葬其地尊陵曰甘陵縣亦取

名焉是周之甘泉市地也陵在濱北邱墳高巨雖中

經廢壞猶若層陵矣應劭曰甘陵西北五十里有信

成故縣又曰甘陵西北有信鄉故縣均據此而言也

郡國記謂在今郡東南三十里者又屯氏故瀆東逕

甘陵縣故城北亦此城也又屯氏別河東北逕清河

郡南又東北逕清河故城西漢高帝六年封王吸爲

侯國地理風俗記曰甘陵郡東南十七里有清河故

城世謂之鵲城也據此則是大河故瀆所逕之甘陵

縣與屯氏別河所逕之清河故城當係一地師古曰

厓音趨亦反厓與鵲聲相近或是訛鵲爲厓耳惟考

史記高祖功臣表清陽侯王吸索隱曰楚漢春秋漢作清陽侯王隆

書作清河而地理志無清河縣之名是清陽爲清河

郡治之徵疑王吸封邑應在清陽豈其後因景帝子

重修廣平府志 卷三七 古蹟略 城址 三

千乘都此而遂徙都於鵲城乎酈氏之說或別有據

方輿紀要謂甘陵城在縣西北似誤

清河故城在縣東南本周之甘泉市地秦爲厓縣後漢

安帝改爲甘陵縣晉省甘陵縣於厓城西南七里置清

河縣爲清河國治後魏又置清河縣併清河郡於故厓

城中高齊天保七年又移清河縣於故信成隋開皇六

年又移於州郭卽今縣是也太平寰宇記 宋祖昱清河國千

秋感廢興秦封荒鹿郡漢隄閭魚燈黨藉遺風改戎麾浩劫乘何人裁後序猶爲賦甘陵

案水經注所載清河故城不一地一卽清河自信成

縣故城西又東北逕清陽縣故城西漢高祖置爲清

河郡治後漢桓帝改爲甘陵郡治者是也一屯氏別河枝津東逕清河郡北疑卽晉於厓城西南七里所置之清河縣也一屯氏別河東北逕清河郡南又東北逕清河故城西地理風俗記曰世謂之鵲城疑卽魏移置於厓城中者惟曰清河郡南曰清河故城西又似判若兩城一瀑水注瀑水北逕聊城縣故城西又東北逕清河縣故城北地理風俗記曰甘陵故清河清河在南十七里今於甘陵縣故城東南無城以擬之直東二十里有艾亭城東南四十里有此城疑卽清河城也後蠻居之故世稱蠻城此又別一清河

故城也在今山東清平縣境據酈氏所言凡屯氏別河枝津與屯氏別河所逕之清河故城應在今威縣東南及清河縣境清河所逕之清河郡卽甘陵郡漢書地理志之清陽縣也應在今縣東北惟在今縣西北者乃齊天保時移清河縣於故信成也

貝邱故城在故清陽城東後齊省漢之貝邱縣入清河縣而改清河縣曰貝邱隋又改貝邱爲清陽縣宋白曰後周置貝州蓋因貝邱而名

方輿紀要

夏津故城在縣東南隋開皇十六年分清河縣置大業初省唐武德四年復置九年又省襄宇記夏津故城在

清陽縣東南四十里隋開皇六年以縣東有王莽河又有古夏津城相連因以爲名

舊志

案山東通志東昌府亦有夏津縣蓋唐天寶初改漢鄒縣置與隋開皇時分清河縣置者不同又漢信鄉侯國一統志表列入山東夏津縣地理志韻編謂在今夏津縣西考水經注屯氏故瀆別河東逕甘陵之信鄉縣故城南應劭曰甘陵西北十七里有信鄉故縣也又清河東北逕界城亭東又東北逕信鄉西又北逕信成縣故城西據此信鄉在信成故縣之東南甘陵故縣之西北十七里其爲今清河縣境無疑一

統志列入山東夏津縣者誤也惟漢書地理志注信鄉侯國孟康曰順帝更名安平據地理志韻編漢之安平縣卽今深州安平縣治在今清河縣北相去數百里與水經注大異姑錄以備考

古邱闕城在清陽縣東

舊志作東北

二十七里

舊志作三里

地理志云趙平原君封東武城爲別邑於此築城以貯器械因以名之

太平寰宇記

案舊志有末柰城在清河縣東北五十里十六國春秋鮮卑段末柰自稱遼西公築城與石勒相持因名考清河縣疆域圖東北三十里卽山東武城縣界末

柘城在縣東北五十里是已出清河境二十里矣清
河舊志亦謂在武城縣境今刪去

磁州

梁期故城在州東漢置縣屬魏郡後漢因之晉省水經
注漳水逕梁期城南地理風俗記曰鄴北五十里有梁
期城故縣也漢武帝元鼎五年封任破胡爲侯國晉惠
帝永興元年驃騎王浚遣烏丸渴末巡至梁期成都王
穎遣將軍石超討末爲末所敗卽此

大清一統志

案明史地理志磁州西南有梁期故城方輿紀要亦
作在州西南俗謂之兩期城方向與一統志異

重修廣平府志

卷三十七

古蹟略

城址

圭

臨水故城在州西北魏黃初二年分武安縣置唐改爲
昭義縣元和志昭義縣東南至磁州四十里魏置臨水
縣北齊天保元年移理松釜

一作松谷

周建德六年廢永泰

元年再置改名昭義舊唐書地理志昭義縣永泰元年
廉察使薛嵩特置於滏口之右故臨水縣城寰宇記縣

在磁州西三十五里周建德六年移臨水縣理故涉城

即今河南涉縣是也

隋開皇七年移於西戌十年移於今治舊志

考舊唐本紀開成四年移昭義縣於固鎮驛蓋非故治
矣宋初避諱更名昭德熙甯六年省爲鎮入滏陽金志

滏陽有昭德鎮後又增臨水鎮今臨水鎮在州西四十

里同

重修廣平府志

卷三十七

古蹟略

城址

圭

送馬驥賞心隨命酌村酒正堪攜郭泰磁州道中詩
滏水郡鄴盡磁山鄴下分秋藤迷野潦隄柳澹疏雲田
園稻猶穉河狂沙自填驅車行役急百里未斜曛

廢安州城寰宇記在滏陽縣東北六里周建德六年置
隋開皇三年廢

九侯城在州西南後漢書郡國志鄴縣有九侯城徐廣

曰一作鬼侯與文王爲紂三公史記正義九侯城在滏

陽縣西南五十里

同上

案寰宇記引隋圖經云臨水縣九侯城卽司馬彪注

云鄴西有九侯城是也括地志亦云滏陽西南五十

里有九侯城

臺城九域志滄陽縣有臺城鎮舊志在磁州東北二十

里亦名臺城崗北去邯鄲五十里相傳趙王所築避暑

臺州志在州北四十里有堡同上宋范成大攬轡錄

城中有靈臺坡陀邯鄲人春時傾城出祭趙王歌舞臺

上城傍有廉頗相如墓今故蹟多不存惟煙樹鬱葱

尚堪憑弔耳國朝楊方見臺城煙樹詩臺去名仍在

靈波祗鄧林可憐青荷色空向望中深馬長叔詩滄

陽北去見臺城古蹟荒涼動客情池上照眉空想像樹

煙流穀欠分明誰臨潑墨荆關畫好付衡枚顧收兵太

息當年歌吹地秋陰漠漠叱牛耕

較城在州西留望里相傳漢光武擊王郎較兵於此方輿

要紀

請武城一在州南漳河之北方輿紀要作一在州西舊

重修廣平府志卷三十七 古蹟略 城址 臺

滄陽縣皆魏武帝所築舊志 金元好問講武城詩作

堅祗今講武人何在衰柳殘陽有亂蟬國朝蔣元樞

詩講武城頭土岌岌講武城下水聲急水急風狂舟不

來渡口行人下馬立此地曹家全盛時雕戈鐵騎爭相

馳三臺閣道連霄漢橫梁睥睨黃金殿王開謫臨漳

水洞房窈窕紛羅綺帶笑飲滿黃金卮千秋萬歲終難

已誰知劫火化飛塵迷離荒草雜荆榛殘瓦礫無顏

色會覆當年歌舞人

王城在州西北王城里周世宗擊北漢時所築方輿

岳城在州西南岳城里宋建炎初岳武穆駐兵處也同上

重修廣平府志卷三十八

古蹟略 署宅 坊表垠

永年縣

信宮在縣西北大清一統志 趙武靈王元年魏韓來朝信宮

十九年正月大朝信宮方輿紀要作 正義曰在臨洛縣

史記趙世家

萬春宮在縣治南今湮大清一統志 唐武德二年寶建德取

洛州築萬春宮徙都之舊志

案方輿紀要長春宮在府治南舊志永年縣新志均

作在府治東未知孰是

重修廣平府志卷三十八 古蹟略 署宅

檀臺在臨洛鎮北舊志 趙成侯二十年魏獻榮椽因以為

檀臺史記趙世家 檀臺在洛州臨洛縣北二里 括地志 明

怪成侯竟不歸檀臺今已作漁磯可憐魏獻榮椽後一響秋聲送落陣

案史記集解引徐廣曰襄國縣有檀臺攷襄國今順

德府邢臺縣去臨洛縣六十餘里中隔沙河當是別

一檀臺

廉頗臺在洛州城南十里十六國春秋冉閔遇慕容恪

於廉臺十戰皆敗即此元和郡縣志

案晉書慕容恪傳恪討冉閔閔趣常山恪追及於魏

昌之廉臺十戰皆不勝震宇記魏昌故城在無極縣

東南二十八里魏書地形志無極有廉臺在今正定府無極縣據此則洺州之廉頗臺與廉臺不同地元和志殆誤引

靈臺在縣南八里相傳為趙王靈臺至今樵豎呼為靈臺坡築土高數十丈闊一百五十畝皆有甬道東向其西又有一臺今耕為官田無賦稅疑即此臺

善政樓在府治前元總管邢秉仁建同元王士熙

嚴號令謹備儲通貨幣興廢舉滯使民不倦聖朝區別疆宇設路以益州縣廣平路肘翼太行背沃洛水壤地長闊風俗循美延祐戊午撫州路總管邢侯移治廣平問俗設教井井有方以路治之前有廢址突起可以增而為臺觀室宇侯相其宜謀於同僚曰五路歷誰不設而炮拆之警無以肅厥庫藏庫廩而公帑之儲虞於臺

重修廣平府志卷三十八古蹟略署宅

傷壺即是廢址從而借作之豈不為一路之偉觀乎乃倡輸廉稍寮佐叶謀鳩工庀事暨址為臺廣數丈其高半之臺上為室以宅漏鼓堅峻宏敞宜於警邏揭之以名曰善政其左為二庫曰常盈乃裕藏之所儲以平準行用乃貨幣之所通鑄密與深宜於積久是役也一舉而羣美具焉因廢以作新則工不勞因庫以致警則得所防因臺以謹藏則無所虞邢侯之治善矣既落成其郡之舊署副使劉鑄等相與特赴京師求士照記之樓即工於延祐六年十月成工於七年

年九月侯名秉仁字仁甫彰德人

愛古軒在府署明成化間知府秦民悅建置蔡邑書夏承碑於內嘉靖間築城碑毀於工匠知府唐曜重摹之

通志 同治九年知府長啟因愛古軒舊匾遺失改爲

復古軒 還獨醒忽見鑾碑臥秦荆剔苦掃蕪離秦坑洗滌文辭表夏承炎祚至今幾變更中郎字畫鬼神驚護守千載待光亨前此有各心目盲伯樂一顧騏驎鳴鳴

重修廣平府志卷三十八古蹟略署宅

秦公愛古非全古一半字經成化補那須款記認陳留除卻中郎復誰語從今莫謂都南漆愛古軒碑價更昂

後樂亭在東門外明嘉靖間知府唐曜建縣志今圯

唐曜記廣平故道地也澤鹵磽确無材竹繡旄丹漆之

饒商賈舟車之所不至大較務耕桑安其土著然粟帛

稍羨即市狗馬窮聲伎以自奉急則椎剝為姦不休豈

非席好氣任俠之風哉比歲數有邊警築三關以扞畿

甸羸糧負輓一切休養慰輯之明年丙午歲大登川民樂

其業始固植之樂治亭環之有荷外郭中無佳山川惟

城四周雜植槐柳池水疏曠池溢廣花并益茂視他所

為大勝亭於斯俾邦人士游息焉秋九月亭成集賓儔

父老而落之樂甚子舉賜而屬各曰嗟乎昔日者軍馬

民病於昭簡之野仰高類深以紆吾抑鬱亡聊之懷而時